

Na osnovu člana 16. stav 4., Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 173. sjednici, održanoj dana 21.12.2018. godine, d o n o s i

## ZAKLJUČAK

### I.

Prihvata se Mišljenje Ministarstva za obrazovanje, nauku, kulturu i sport doneseno po Inicijativi Upravnog odbora JU Predškolski odgoj i obrazovanje Zenica, broj: 01-34-15965-5/18 od 05.12.2018. godine, za dopunu Zakona o predškolskom odgoju i obrazovanju („Službene novine Zeničko-dobojskog kantona“, broj: 7/10) i čini sastavni dio ovog zaključka.

### II.

Zaključak stupa na snagu danom donošenja.

Broj: 02-\_\_\_\_\_/18.  
Datum, 21.12.2018. godine.  
Z e n i c a

**PREMIJER**

*Miralem Galijašević*

DOSTAVLJENO:

1x Ministarstva za obrazovanje, nauku, kulturu i sport,  
1x Stručna služba Skupštine,  
1x a/a.

Na dostavljenu Inicijativu Upravnog odbora JU Predškolski odgoj i obrazovanje Zenica, a vezanu za dopunu Zakona o predškolskom odgoju i obrazovanju („Službene novine Zeničko-dobojskog kantona“, broj: 7/10), Ministarstvo za obrazovanje, nauku, kulturu i sport Zeničko-dobojskog kantona, daje sljedeće:

### MIŠLJENJE

Nakon detaljne elaboracije podnesene Inicijative Upravnog odbora JU Predškolski odgoj i obrazovanje Zenica, a koja se odnosi na dopunu Zakona o predškolskom odgoju i obrazovanju („Službene novine Zeničko-dobojskog kantona“, broj: 7/10) i to:

- U članu 22. u stavu (1) predmetnog Zakona, iza tačke e) dodaje se tačka f) koja glasi:  
**„U predškolskim ustanovama se realizuje program produženog boravka za zbrinjavanje školske djece.“**

Ministarstvo za obrazovanje, nauku, kulturu i sport Zeničko-dobojskog kantona ne može prihvatiti dostavljenu inicijativu.

Podsjećamo da je Skupština Zeničko-dobojskog kantona na 42. sjednici održanoj 23.06.2010. godine donijela Zakon o predškolskom odgoju i obrazovanju Zeničko-dobojskog kantona, koji je stupio na snagu 23.07.2010. godine („Službene novine Zeničko-dobojskog kantona“, broj: 7/10). Odmah po stupanju na snagu Zakona primijenjena je zajednička jezgra programa, kao i obaveze proistekle iz člana 39. i člana 43. Okvirnog zakona o predškolskom odgoju i obrazovanju u Bosni i Hercegovini.

Na temelju člana 21. Zakona o predškolskom odgoju Zeničko-dobojskog kantona, koji se odnosi na uspostavu zajedničke jezgre, donesen je Cjeloviti razvojni program predškolskog odgoja i obrazovanja, kao i Program obaveznog predškolskog odgoja i obrazovanja u godini pred polazak u osnovnu školu („Službene novine Zeničko-dobojskog kantona“, br. 8/11).

Program produženog boravka djece školskog uzrasta u predškolskim ustanovama nije u skladu sa članom 22. Zakona o predškolskom odgoju i obrazovanju („Službene novine Zeničko-dobojskog kantona“, broj: 7/10 i 8/12), te napominjemo da član 29. stav (3) i stav (4) Zakona o osnovnoj školi („Službene novine Zeničko-dobojskog kantona“, broj: 3/18) definiše segment produženog i cjelodnevnog boravka učenika u osnovnoj školi.

S tim u vezi obavještavamo vas da je u završnoj fazi izrada Prijedloga programa produženog ili cjelodnevnog boravka učenika u osnovnoj školi i propisa koji regulišu organizaciju i rad školske kuhinje.

S poštovanjem,



MINISTAR

*Mensur Sinanović*

Bosna i Hercegovina, Zenica, Kućukovići br. 2  
Tel: 032/460-840, fax: 460-842  
e-mail [min.obrazovanje@zdk.ba](mailto:min.obrazovanje@zdk.ba)

